
-Organizacioni odbor savjetovanja-

Broj: 09-1/26

Sarajevo 09.02.2026. godine

Poštovana/i,

Zadovoljstvo nam je obavijestiti Vas da Udruženje sudija/sudaca u Federaciji BiH, zajedno sa Centrom za edukaciju sudija i tužilaca u Federaciji BiH, Centrom za edukaciju sudija i javnih tužilaca Republike Srpske, Udruženjem sudija u BiH, Udruženjem sudija RS, Udruženjem sudija Suda BiH, Udruženjem žena sudija u BiH, Udruženjem sudija Brčko Distrikta BiH, Udruženjem tužitelja/tužilaca FBIH, Udruženjem tužilaca RS, Advokatskim komorama Federacije BiH, Advokatskom komorom RS, Pravosudnom komisijom Brčko Distrikta BiH, i Ministarstvom pravde Bosne i Hercegovine planira 2026. godine da organiziraju, XIV po redu, Savjetovanje iz krivičnopravne oblasti.

Savjetovanje je planirano da se održi u periodu od 03.06. do 06.06.2026. godine u Neumu.

U želji da ovogodišnje savjetovanje detektuje probleme i ponudi odgovore na aktuelna pitanja krivičnog pravosuđa u Bosni i Hercegovini, pozivamo Vas da se uključite u proces definiranja tema ovogodišnjeg savjetovanja i svojim prijedlozima i sugestijama date svoj intelektualni i stručni doprinos sagledavanju i izboru najaktuelnijih pitanja krivičnog pravosuđa danas.

U pripremnim konsultacijama povodom ovogodišnjeg savjetovanja predloženo je da fokus ovogodišnjeg savjetovanja bude na sljedećim krivičnim oblastima i temama: Finansijski kriminal i oduzimanje imovinske koristi; Analiza sudskih odluka o oduzimanju imovine stečene krivičnim djelom; Organizovani kriminal i korupcija visokog nivoa; Krivična dijela terorizma i pranja novca; Digitalni dokazi i umjetna inteligencija; Materijalno krivično procesno pravo, Krivična dijela protiv izbornih prava, Krivično pravna zaštita okoliša i životne sredine. Pored navedenih oblasti prijaviti se mogu i druge aktuelne i zanimljive teme iz krivičnog prava u BiH.

Obavještavamo i pozivamo sve zainteresovane pravne stručnjake da svoja mišljenja, stavove i analize određenih pitanja iz krivičnog pravosuđa u formi teme prijave na e-mail: usfbih@bih.net.ba ili us.fbih@pravosudje.ba uz navođenje imena izlagača koji će prezentovati temu.

Prijavu teme i izlagača, kao i dostavljanje Vaših mišljenja i prijedloga, možete izvršiti na gore navedene e-mail adrese ili putem pošte na adresu: Udruženje sudija/sudaca u Federaciji BiH (za organizacioni odbor Savjetovanja), ul. Valtera Perića br.15, 71000 Sarajevo, **najkasnije do srijede 04.03.2026. godine.**

Zahvaljujemo se na Vašem doprinosu organizaciji ovogodišnjeg savjetovanja i srdačno Vas pozdravljamo.

Organizacioni odbor XXIV savjetovanja
Neum 2026.

